

**3 ИЮНЯ: Срѣтение чудотворныя иконы Пресвятыя Богородицы,
яже нарицается «Владимирская».**

Вечером 2 июня

Изменяемое №1

На Господи воззвах:

Стѹх: Изведи из темницы души мою, исповѣдатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебѣ, Господи, Господи, услыши глас мой.

Глас, 4. Яко светоносная палата/ и одр всезлатый, Богородице
Владычице:/ Ты бо Слово Божие/ во Твоих ложеснах вместила еси,/ и,
рождши нам Солнце незаходящее,/ Свет невечерний,/ наша
прежде неразумием омраченная сердца/ благоразумием осветила
еси,/ и лести тьму разорила еси.

Стѹх: Да будут уши Твои внимлюще гласу моления моего.

Твоим Рождеством адава крепость разорися,/ и все человечество
спасено бысть,/ ныне же Твоими молитвами/ врагов наших шатание
низложит,/ и крепость их сокрушит,/ и людем Твоим победы на враги
даруй,/ да посрамятся вси,/ являющие рабом Твоим злая.

Стѹх: Аще беззакония узриши, Господи, Господи, кто постоит; яко у Тебѣ
очищение есть.

Богородице Владычице,/ державная Помощнице,/ укрепь
славящую Тя страну на враги,/ да якоже древле спасла еси Царский
град от нахождения поганых,/ тако и ныне спаси страну Российскую
от нахождения вражия,/ от междоусобных рати,/ от глада же и труса,/ Дево
Неискусобренная./ Сего ради Тя славит страна Российская,/ человеком Помощницу.

Стѹх: Имене ради Твоего потерпѣх Тя, Господи, потерпѣ душа моя в слово
Твое, уповая душа моя на Господа.

Ныне страна Российская/ о Тебѣ хвалится и веселится,/ имеящи Тя
Заступницу непостыдную/ и стену нерушиму,/ граду нашему
непоколебимое основание,/ стража неусыпна земли Российския./ Не

преста́й ны́не Тво́ими, Госпоже́, моли́твами/ избавля́ти Твой град и лю́ди от всех бед.

Стіх: **От стра́жи у́трення до но́щи, от стра́жи у́трення, да упова́ет Изра́иль на Го́спода.**

Тебе́ припа́дают, Госпоже́,/ святі́телей сосло́вие и собо́ри,/ совокупле́ние всех,/ мона́си и прости́и/ и ве́сь наро́д, уми́льно моля́щися,/ Тебе́ ны́не кла́няющися,/ и любе́зно целу́юще Твой о́браз,/ и, моля́щися, глаго́лют:/ чту́щий Тя град всегда́ спаса́й от всех бед.

Стіх: **Яко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззако́ний его́.**

Глас 8. **О, пресла́внаго чудесе́!/ Ё́же невместі́мый небесе́,/ и А́нгелы сла́вимый,/ и от Серафі́мов пое́мый,/ на зе́млю соше́д, в Твою́ утробу́ вмести́ся/ и ключа́ де́вства не разруши́,/ на́ше естество́, дре́вле от диа́вола му́чимо, изъя́т/ и ве́сь род челове́ческий свободи́,/ Тебе́ же, Госпоже́, Засту́пницу нам дарова́./ Тем не преста́й сохра́няти/ и спаса́ти душі́ на́ша, я́ко Милосе́рда.**

Стіх: **Хвалі́те Го́спода всі́ язы́цы, похвалі́те Его́ всі́ лю́дие.**

О, пресла́внаго чудесе́!/ Се заступле́ние при́иде,/ сопроти́вление низложі́ся,/ град наш спаса́й,/ враги́ на́ша проже́ні/ и нас, рабо́в Твои́х, Твое́ю ми́лостью, возвесели́./ О Бо́жия Сло́ва селёние!/ Род челове́ческий, чту́щий Тя,/ всегда́ спаса́й от всех бед.

Стіх: **Яко утверди́ся ми́лость Его́ на нас, и і́стина Господня́ пребыва́ет во ве́к.**

Подáждь утешё́ние Твои́м рабо́м, Чи́стая,/ напáстьми одержі́мым,/ и рог ве́рных вознеси́,/ Богороди́тельнице Мари́е,/ спаса́й моли́твами Твои́ми град Твой неразрушим,/ и ва́рварская шата́ния низложи́,/ и нас, рабо́в Твои́х, Безневё́стная,/ хва́лящих Тя, спаса́й.

Сла́ва, и ны́не, глас 8: **Прииді́те, росси́йстии собо́ри,/ прииді́те, ве́рных совокупле́ния,/ в срёте́ние Цари́цы Богоотрокови́цы:/ се бо грядёт Цари́ца Свои́м о́бразом честны́м,/ спасти́ град и лю́ди, от сопоста́тных пога́н невоева́ны./ О, чу́до ве́лие и пресла́вное/ и пребо́льши ума́!/ Ка́ко пришё́ствием честна́го Ея́ о́браза сопроти́внии побежда́ются/ и оте́чество на́ше утвержда́ется?/ Но́щь упраздни́ся, и де́нь прибли́жися./ Егóже ра́ди Тебе́, вину́ спасё́ния на́шего, естество́**

наше приѣмлет/ и вся твѣрь воспеваѣтъ, Ти зовущи:/ ра́дуйся,
Предста́тельница, и Помо́щнице,/ и спасѣние душ на́ших.

<далее см. основной Чин>

Изменяемое №2

Прокімен после «Свѣте тихій»: *См. Прокимен дня <далее см. основной Чин>*

Изменяемое №3

Паримии:

Бытія чтѣние (глава 28):

Изы́де Иа́ков от студенца́ клятвеннаго и иде в Харра́нь./ И обре́те
ме́сто, и спа та́мо,/ за́йде бо со́лнце;/ и взят от ка́менія ме́ста того́,/ и
положи́ возгла́вие себѣ,/ и спа на ме́сте о́ном, и сон ви́де./ И се
лѣ́ствица, утвержде́на на землі,/ ея́же глава́ досяза́ше до небѣс,/ и
А́нгели Бо́жий восхожда́ху и низхожда́ху по ней./ Господь же
утвержда́шеся на ней и рече́:/ Аз Бог Авраа́мов, отца́ твоего́, и Бог
Исаа́ков, не бо́йся./ Земля́, иде́же ты спи́ши на ней,/ тебѣ дам ю и
се́мени твоему́./ И бу́дет се́мя твоѣ, я́ко песо́к земный,/ и
распространи́тся на мо́ре, и Ліву, и се́вер, и на восто́ки,/ и
возблагодаря́тся о тебѣ вся ко́лена земна́я и о се́мени твоѣм./ И се
Аз с тобо́ю, сохраня́яй тя на вся́ком пу́ти, а́може а́ще по́йдеши./ И
возвращу́ тя в зе́млю сию́, я́ко не има́м тебѣ оста́вити,/ до́ндеже
сотвори́ти Ми вся, ели́ка глаго́лах тебѣ./ И воста́ Иа́ков от сна своего́
и рече́:/ я́ко е́сть Господь на ме́сте сем, аз же не ве́дех./ И убо́йся, и
рече́:/ я́ко стра́шно ме́сто сие́,/ не́сть сие́, но дом Бо́жий,/ и сия́ врата́
Небе́сная.

Проро́чества Иезе́киилева чтѣние (главы́ 43 и 44):

Та́ко глаго́лет Господь:/ бу́дет от дне осма́го и проче́е,/ сотвори́тъ
иере́и на олтарі́ всесожже́нія ва́шего/ и я́же спасѣ́нія ва́шего,/ и
прииму́ вы, глаго́лет Адо́най Господь./ И обрати́ мя на пу́ть врат
святы́х вна́ржных, зря́щих на восто́ки, и сия́ бяху затворѣ́на./ И рече́
Господь ко мне:/ врата́ сия́ затворѣ́на бу́дут и не отве́рзутся,/ и
нико́же про́йдет сквозѣ́ их,/ я́ко Господь, Бог Изра́илев, про́йдет
ими́, и бу́дут затворѣ́на./ Я́ко игу́мен сядет в них снести́ хлеб,/ по
пу́ти ела́мских врат вни́дет и по пу́ти его́ изы́дет./ И введе́ мя по пу́ти
врат святы́х, су́щих к се́веру, прямо хра́му,/ и ви́дех, и се испо́лнь
сла́вы храм Господень.

Прѣтчей чтѣние (глава 9):

**Премудрость созда себе дом и утверди столпов седмь./ Закла
своя жертвенная, и растворѣ в чаши своей вино,/ и уготова свою
трапѣзу./ Посла своя рабы, созываючи с высоким проповѣданием
на чашу, глаголющи:/ иже есть безумен, да уклонѣтся ко мне./ И
требующим ума рече:/ приидѣте, ядѣте мой хлеб и пѣйте вино, еже
растворѣх вам./ Оставете безумие, и живѣи будете./ И взыщѣте
разума, да поживетѣ/ и исправѣте разум в ведении./ Наказуяи злыя
прѣмет себе безчестие,/ обличаяи же нечестиваго опорочит себе,
обличение бо нечестивому – раны ему./ Не обличай злых, да не
возненавидят тебе,/ обличай премудра, и возлюбѣт тя./ Дажѣ
премудрому вину, и премудрѣи будет./ Сказуй праведному, и
приложѣт приимати./ Начало премудрости – страх Господень,/ и
совѣт свѣтых – разум./ Разумѣти бо закон помысла есть благого:/
сим бо образом многое поживѣши время,/ и приложатся тебе лета
живота.**

<далее см. основной Чин>

Изменяемое №4

Литѣя глас 2:

**Яко воистинну древняго кивота пречестнѣе,/ егда Давид, собрав
чѣны, ликовствоваше,/ ныне Твоя, Богородице, икона,/ ейже
предстоят архиереев соборѣ,/ и с чѣнми Ангел,/ и все
христоименѣтых людѣи множество/ достойно блажат Тя, Матерь
Божѣю,/ и прославляют раболѣпно,/ и чествуют, и покланяются,/ и
молятся Тебѣ по Божѣ:/ да мир умирѣши в православиѣ,/ и отѣчество
утвердиши,/ и спасѣши от всех зол Твоя рабы,/ яко единая
Благословенная.**

**Предстоят Ти, Господжѣ Богородице,/ пред Твоим, Пречѣстая,
образом,/ архиереев сословѣе и вси людѣе,/ монаси и простѣи,/ вѣдуще
Тя воистинну Помощницу сильную и непобѣдѣму,/ молѣния
Тебѣ приносѣти от всея души подвижают/ и поущают на молитву к
Божѣ,/ трѣбующе Твоея помощи,/ да прострѣши богоносныя Твоя
руки/ и умолиши за мир./ Вонми и услыши, Владычице,/ и подаждѣ**

утешение рабѡм Твоѡм,/ дѡндеже не одолѣют ны грехѣ нѡша тяжкія и лютыя:/ Твоея бо всегда трѣбуем вси поѡмощи.

Глас 8: Пѣрвое написавшейся Твоеѣ икѡне/ евангелских таин благовѣстником/ и к Тебѣ, Царѣце, принесѣнной,/ да усвоиши Ту/ и сильну соделаеши спасти чествующія Тя./ И порадовалася еси, яко сущи Милостива,/ спасѣнія нашего Содѣтельница,/ яко уста и глас икѡне бывше,/ якоже и Бѡга внегда зачинаючи во чрѣве,/ пѣснь воспѣла еси:/ се отныне ублажат Мя вси рѡди./ И, на ту зрящи, глаголала еси со властью:/ с сим образом благодать Моя и сила,/ И мы истинно веруем, яко се рекла еси, Госпоже:/ сим образом с нами еси./ Тем благоговѣйно предстояще, поклоняемся Тебѣ, рабѣ Твоѣ:/ посети ны Твоѣми Матерними щедрѡтами.

Глас 7: Горѡ еси великая и преславная,/ пѡче гѡры Синѡйскаго, Богорѡдице./ Она бо, не терпяше снѣтія славы Бѡжия, во образех и сѣнех,/ огнем возгарашеся,/ и грѡми и мѡлнии тамо быша./ Ты Божественный ѡгнь сущ,/ Бѡжие Слово во чрѣве Твоѣм неопально носила еси/ и от сосѣц Твоѣх млекоу питала еси мѡнием Носѣщаго вся./ И Матернее дерзновѣніе к Немѹ имѹщи,/ помози, Владычице, верно празднующим Твоѣ честнѣй праздник/ и не забуди, милостивно посещѡющи,/ прияла бо еси от Бѡга дар/ строити и покрывати христоименитѡе стадо, рабѣ Твоѣ.

Слава, и ныне, глас 6: Тебѣ вси рѡди челоуѣчестии/ хвальныя дары приносят, Владычице,/ и молятся яко Царѣце и Матери Бѡжии,/ прорѡцы Тя премѹдро проповѣдаша,/ левѣти благословѣша,/ апѡстоли и мѹченицы исповѣдаша,/ вся сослѡвія поклоняются,/ архиерее проповѣдают,/ монаси и прѡстѣи благоговѣют,/ богѡтии и убѡзии, сирѡты и вдовы,/ и всяк вѡзраст, и всяко преспѣяніе,/ старческое и младѣнческое,/ под кров Твоѣ державный с верѡю прибегаем:/ покрѣй и соблюди, Госпоже, молитвами Твоѣми/ и спаси от бед дѹши наша.

<далее см. основной Чин>

Изменяемое №5

По полиелѣи седѡлен **глас 1:**

Блаже́нна еси́ Ты, Богоро́дице Чи́стая, вели́чества Твоя́ кто воспéти мо́жет?/ Ё́же чу́до стра́шно и чу́до ве́лие соде́явши,/ Твои́ми моли́твами, Богома́ти, чту́щий Тя град всегда́ свобожда́ется от всех бед,/ тьмы и мечá, погáных пленéния и вся́кого гнéва./ Тёмже мы, зря́ще честнóе о́браза Твоегó прише́ствие,/ хва́лим, я́ко Цари́цу воспева́юще, ве́рнии,/ словеси́ Тя, Чи́стая, блажа́ще, глаго́лем:/ Богоро́дице Чи́стая, моли́ воплощённаго из Тебе́ спастися душáм нáшим.

Сла́ва, и ны́не, то́йже.

Изменяемое №6

Степéнна, 1-й антифо́н, 4-го гла́са.

Прокі́мен: Помяну́ я́мя Твое́/ во вся́ком ро́де и ро́де. *Стих:* Слы́ши, Дщи, и ви́ждь, и приклони́ у́хо Твое́.

<далее см. основной Чин>

Изменяемое №7

По 50-м псалме́ стихі́ра *глас 2:*

Гото́вися, всечестный гра́де Москва́,/ на срéтение Дéвы Богома́тере:/ се бо грядéт к тебе́/ свéтлое вели́кое со́лнце от врат затворéнных./ Тьма́ у́бо ско́рби твоея́ отгоня́ется,/ свет же твоегó весéлия исполня́ется,/ бу́ря сопроти́вных ве́тров уставля́ется,/ му́жие и священни́цы в печа́лех сла́дкое утешéние приéмлют,/ Цари́це еди́ной покланя́ются,/ моля́щися, глаго́лют:/ Пречи́стая Дéво,/ мо́льба́ми Твои́ми изба́ви рабы́ Твоя́/ от вся́кия бе́ды и печа́ли.

<далее см. основной Чин>

Изменяемое №8

Кано́н Богоро́дицы *глас 4.*

Пéснь 1

Ирмо́с: Отве́рзу уста́ моя́,/ и напо́лнятся Ду́ха,/ и сло́во отры́гну Цари́це Ма́тери,/ и явлю́ся, свéтло торже́ствуя,/ и воспою́, ра́дуясь, То́я чудеса́.

Просвети́, Влады́чице, ду́ши на́ша зарёю Божéственною, па́че ума́ благода́тию Твое́ю,/ и незави́стный дар пода́ждь ми воспéти Тя,/ я́ко Помо́щницу челове́ческому существу́, Препéтая,/ ве́рное заступле́ние, на враги́ побéду оте́честву на́шему.

Прииди́те, собери́тесь, россия́нии собо́ри,/ в пречестный храм Всенепоро́чныя Влады́чицы/ и возопи́йте, уми́льно моля́щися, к

честному образу взирающе:/ Богородице Безневѣстная, хвалящая
Тя спаси.

Твой, Богомати, всечестный образ/ Богогласный Евангелия
Христовъ списатель, пребожественный Лука, написав,/ Творца всех
на Твоих честных руках вообрази,/ к нему же притекающая напасти и
печали избавляеши/ и вся покрываеши Твоею милостию.

Храм прекрасный, Содетель всех еди́ну Тя обрѣт,/ в Тя вселися и
человеки обожѣ./ К Нему же за ны, Богородице, молися,/ спасти ны
от поганых пленения и всякия инѣя скорби, находящая на ны,/ да
Твоего днѣсь образа срѣтение всечестно празднуем.

Пѣснь 3

Ирмос: Твоя песнословцы, Богородице,/ Живѣй и Незавѣстный Источниче,/ лик
Себѣ совокупляши, духовно утверди,/ в Божественней Твоей славе/ венцев славы
сподоби.

Все помышление отвергше, Богомудрии, приидите в срѣтение
прекрасная зарѣ,/ держащая пресвѣтлую лучу, вся просвѣщающую/
и милостию весь мир обогашшую.

Твою, Богомати, всечестную и чудотворную икону российстии
люди стяжавше,/ яко заступление крепко и стѣну нерушиму,/ молятся Ти, на враги победу даровати отечеству нашему.

Облак светозарный показася,/ росю благодати вся омывающи
телесныя скверны/ и души просвѣщаючи, еди́на Всепѣтая.

Древо многоплодно явилася еси, пищею негиблющею вся
насыщаючи,/ души же веселящи, Богоневѣсто Чистая,/ добродѣяния
всем источи/ и от скорбей нуждных спаси.

Ин конда́к, глас 8: К Взбранней Воеводе и Заступнице, Дѣве и
Богородице,/ в чѣстей совести, вѣрою утвердившеся, русстии
наро́ди,/ невозвратно надежду имуще, притецем,/ к чудотворному Ея
и пречистому образу, и возопи́ем Ей:/ радуйся, Невѣсто
Неневѣстная.

Седáлен, глас 4: Наро́ди боголюбивии, приидите в срѣтение:/ се бо
приходит Дѣва, всех пророков превышши,/ честным Своим образом,
Жизнодателя миру на руках имеючи,/ град Свой сохраняти

**страждущий, варварскую дерзость низложити,/ вообразитися всем
Хранительница тверда,/ держава и ограждение верно молящимся.**

Слава, и ныне, тойже.

Песнь 4

Ирмос: Неизследный Божий совет,/ еже от Девы воплощения Тебе, Вышняго,/ пророк Аввакум усмотряя, зовяше:/ слава силе Твоей, Господи.

**Гору превелию, юже Даниил виде, от неяже камень отсечеса без
рук/ и вся соблазны истни, верныя же просвети,/ истинное
светозарное солнце показа, лучами просвещаючи, Богородице
Приснодево.**

**Вооружаются на люди Твоя, Чистая Богородице, сынове Агарины,/
злый совет творяще, грады разоряюще, верныя же погубляюще,/ но
Ты, Всепетая, Твоею милостию вся низложи,/ исмаильтяны враги
покаряючи отечеству нашему.**

**Небо одушевлено, едина Богомати, Свет велий приемши,/ вся
просвещаючи, тму держащих бед разжени/ и нас Вышняго
причастия сподоби.**

**Давид пред кивотом ликовствует, левити же воспевают,/ паче же
пред Тобою, Богородительнице Чистая,/ Россия хвалами яко Царицу
воспевает,/ гласы молебными прилежно Ти вопиючи:/ радуйся,
Заступнице града нашего.**

Песнь 5

*Ирмос: Ужасошася всяческая/ о Божественней славе Твоей:/ Ты бо,
Неискусобрачная Дево,/ имела еси во утробе над всеми Бога/ и родила еси
Безлетного Сына,/ всем воспевающим Тя/ мир подавающая.*

**Тебе, Богомати, великий во пророцех Исаия провиде Духом,/ Угль
имеющую во чреве, верныя просвещающ и соблазны вся пожигающ,/
спасая род человек.**

**Жезл Ааронов прозябла еси/ и злбный корень исторгнула еси,
Дево Богоневестная,/ Жизнодателя рождши миру,/ Егоже моли сему
граду спастися от многих напастей.**

**Ныне убо приступите с веселием, Богоизбранное стадо,
российстии собори,/ ко Всечестней Божий Матери и честный Ея**

образ любезно примите:/ се бо благодать неисчерпаемая, воды
точащи Божественныя неоскудно,/ Юже, вернии, почтим и честному
образу Ея поклонимся.

От корене Иессеева древо возрастет всем животное,/ Плод убо
прозябля еси во утробе Твоей, Дево Чистая,/ вся люди насыщающи
Твоею милостию.

Песнь 6

Ирмос: Божественное сие и всечестное/ совершающе празднество,/
Богомудрии, Богоматере,/ приидите, руками восплещим,/ от Нейя рождаемого
Бога славим.

От Тебе, Богомати, истечет поток сладкий,/ вся напаяя люди, душ
измывая скверны, Богородице Владычице,/ спаси всех,
поклоняющихся верно честному образу Твоему.

Вси убо, совокупльшеся вкупе, воспоем Чистую Деву,/
Богоизбранную лествицу Иаковлю, Гедеоново же руно, радости
Ходатаицу,/ крепость и похвалу спасаемых, Богородительницу
Чистую.

Се ныне веселие приближается,/ скорбь же потребляется, вернии
спасаются,/ яко от источника радость почерпающе, выну хвалами
воспевают:/ радуйся, Чистая Владычице, спасения нашего начаток/
и всех верных стена и похвала.

Подажь нам помощь мольбами Твоими, Пречистая Богородице,/
скорби убо находят на ны и печали умножаются, врази ополчаются,/
но Ты, Пречистая, представши, избави,/ врагов наших шатание
низложи, на враги победу даруй,/ да посрамятся вси, являющий
работам Твоим злая.

Кондак, глас 8: Вбранной Воеводе победительная,/ яко избавльшеся
от злых пришествием Твоего честного образа,/ Владычице
Богородице,/ светло сотворяем празднество сретения Твоего/ и
обычно зовем Ти:/ радуйся, Невесто Неневестная.

Икос: Ангел Предстатель с Небес послан бысть рещи Богородице:
радуйся,/ и, со безплотным гласом воплощаема Тя зря, Господи,

ужасáшеся,/ и стояше, зовый к Ней таковáя:/ рáдуйся, Ёюже рáдость
возсияет;/ рáдуйся, Ёюже кля́тва исче́знет./ Рáдуйся, па́дшаго Ада́ма
воззва́ние;/ рáдуйся, слез Ёвиных избавле́ние./ Рáдуйся, высотó,
неудобовосходи́мая челове́ческими по́мыслы;/ рáдуйся, глубино́,
неудобозри́мая и а́нгельскими очима́./ Рáдуйся, я́ко еси́ Царе́во
седа́лище;/ рáдуйся, я́ко но́сиши Нося́щего вся./ Рáдуйся, звездó,
явля́ющая со́лнце;/ рáдуйся, утробó Божественнаго воплоще́ния./
Рáдуйся, Ёюже обновля́ется тва́рь;/ рáдуйся, Ёюже покланя́емся
Творцу́./ Рáдуйся, Невéсто Неневéстная.

Пёснь 7

Ирмо́с: Не послужи́ша тва́ри Богому́дрии/ па́че Созда́вшего,/ но, о́гненное
преще́ние му́жески попра́вше,/ ра́довахуся, пою́ще:/ препе́тый отце́в Госпо́дь и
Бог, благословён еси́.

Я́ко порфи́рою и ви́ссом, червлéною хламíдою, Дéво Богорóдице
Влады́чице,/ град Твой Тобо́ю оде́явся, Христа́ велича́ет/ и
прише́ствие честна́го Твоего́ о́браза сла́вит,/ явльшася па́че луч
со́лнечных/ и немра́чным све́том просвещáюща велегла́сно
хва́лящая Тя.

Скрижа́ли, богопи́санныя пёрстом Ду́ха, в я́рости Моисе́й
сокруши́;/ но в Тебе́, Чи́стая, пресла́вный Творе́ц всели́вся, невре́дну
Тя сохрани́./ Ему́же поём:/ оте́ц на́ших Бо́же, благословён еси́.

Приими́ Твои́х раб мольбы́, Пречи́стая Дéво Богорóдице,/
непостоя́нную бу́рю утиши́ моли́твами Твои́ми/ и сове́ты проти́вных
враго́в разжени́,/ напа́дающих на ста́до Твое́, Всенепоро́чная
Влады́чице.

Тебе́ еди́ну помо́щницу ро́ду челове́ческому, Богорóдице Мари́е,/
Зижди́тель всех рождество́м Свои́м назна́мена и проро́цы
прообрази́ша:/ ов Тя двéрь, ин же Тя ло́жницу Бо́жию;/ мы же Тя
воспева́ем Роди́тельницу Бо́жию, и Хода́таицу к Бо́гу,/ и Засту́пницу
от всех зол, находя́щих на ны.

Пёснь 8

Ирмос: *Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте, дела,/ и превозносите Его во вся веки.*

Како Тя, Дέво, по достоянию воспоем?/ Помощь твердую, Хранительницу жизни наша/ и Ходатаицу непреложну к Сыну Твоему и Богу нашему,/ Егóже воспеваем и превозносим во веки.

Цвете прекрасный и воня пищная, облагоухаеши, Богородице Маріе, вся,/ и спасаеши, и от недуг исцеляеши, бэсы прогоняеши./ Тэмже Ти вопиём:/ радуйся, Помощнице всем молящимся верным.

Столп явльшися, Богомати, нахождения противных отгоня:/ Тя бо чтущим сердцем теплым явилася еси стена, ограждение,/ и спасительное прибежище.

Давидски воспеваем Ти песьнь, гору Божию Тя именующе, Пречистая Дέво:/ Источника бо сущим приснотекущего источила еси./ Егóже поём и превозносим во веки.

Песьнь Богородицы: Величит душа моя Господа: <см. основной Чин>

Песьнь 9

Ирмос: *Всяк земнородный/ да взыграется, Духом просвещаем,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,/ Чистая Приснодéво.*

Радости Ходатаице, возвесели наш смысл вопити Тебе, Богородице Чистая:/ радуйся, Хранительнице наша,/ державо, и ограждение, и спасительное прибежище.

Да восхвалят согласно Тя небо и земля,/ яко Жизнодателя миру рождши:/ радуйся, тихое пристанище, животныя воды источнике неисчерпаемый, Владычице.

Собравшися днесь, людие, во сретение Пречистой Божия Матере,/ Яже винограда мысленного грезн носящи,/ вино источающ всегда и веселия всех исполняющ,/ яко Богородицу по долгу славим.

Божественная река вод животных, вся удолия напояющи,/ наша соблазны, Богомати, погрузи и до конца потреби.

<далее см. основной Чин>

Изменяемое №9

Светілен:

Да почті́тся днёсь Богома́ти, Зижді́теля ро́ждшая,/ райских дверей
отверже́ние и всего́ міра очище́ние,/ побѣду да́вшая
хри́столюбі́вому во́инству,/ о Сей бо проро́цы глаго́лаша, Той
поклоні́мся.

Сла́ва, и ны́не: Пресвѣ́тлая днёсь мѣлостивная свѣ́тлость,/ Бо́жия
благодать, вся ра́достно одождя́ет небѣ́сными ту́чами,/ на стезі́
сла́дкия направля́ющи, Богоро́дице Влады́чице, всех,/ позна́вших Тя
земны́х, Присноде́во,/ ны́не бо вся земля́ Росси́йская ра́дуется,
ве́рою Тя сла́вящи.

<далее см. основной Чин>

Изменяемое №10

На стиховне стихи́ры *глас 8:*

Что́ Тя нарече́м, Богоро́дице Влады́чице?/ Ко́рень ли Иессе́ов?/ От
Тебе́ бо нам Хри́сто́с, я́ко цвет, изы́де./ Ма́нну ли, ве́рных серде́ца
усплажда́ющую Твои́м Рожде́ством?/ Руно́ Гедео́ново?/ На Тя бо
Хри́сто́с, я́ко роса́, сніде/ и Тя Засту́пницу нам пока́за./ Егоче́ моли́
спасти́ ду́ши на́ша.

Стих: *Слы́ши, Дщи, и ви́ждь,/ и приклоні́ у́хо Твое́.*

Да вси похва́лим, ве́рнии,/ таковы́ нам заступле́ние да́вшую
непосты́дное,/ и непреборі́мое на враги́ одоле́ние побѣ́дное,/ и нам
всем спасе́ние,/ и гра́ду на́шему стѣну и покрóв,/ и основа́ние
непоколебі́мое,/ и оте́честву на́шему на сопоста́ты посóбие,/ и
непобеди́мую побѣ́ду.

Стих: *Кля́тся Господь Дави́ду и́стиною/ и не отве́ржется ея́.*

Досто́йно Тя блажи́т челове́ческий род, Чи́стая,/ я́ко спаса́еши
чту́щия Тя от всех бед./ Ты бо, Госпоже́ Де́во Чи́стая,/ Засту́пница
непосты́дная Твои́м рабо́м показáлася еси́/ и Моли́твенница те́пла к
Бо́гу/ от находя́щих скорбе́й./ Тобо́ю ва́рварская шата́ния
разруша́ются/ и стрѣ́лы вра́жия упражднѣ́ются,/ и, раби́ Твои́, от
одержáщих бед изба́вльшеся,/ Тя, Богома́ти, пе́снями ублажа́ем.

Сла́ва, и ны́не: Да ра́дуются росси́йстии собо́ри,/ да ликовству́ет
естество́,/ я́ко Твоего́, Чи́стая, честна́го о́браза прише́ствием/ град
наш спаса́ется,/ раби́ Твои́, от одержáщиха ну́жды изба́вльшеся,/

Тебѣ, Чистая, взывают:/ радуйся, добрых виновная,/ и Заступнице
непостыдная,/ и спасение душ наших.

<далее см. основной Чин>

Утром 3 июня

Изменяемое №11

По 1-м стихословии седальны *глас 4:*

Божественными зарями просвети поющая Тя и умы утверди,
Непорочная Дево,/ крепкая Заступнице мира всего./ Темже
торжествуем вси, любовию поюще Тя и пришествие Твоего образа
славяще:/ не претай, Дево, молитвами Твоими спасаючи рабы
Твоя от всякия беды,/ единая Благословенная.

Слава, и ныне, Богородичен: <далее см. основной Чин>

Изменяемое №12

По 2-м стихословии седальны *глас 3:*

Яко звезда многосветлая, взыде от востока к западу Твой образ,
Богомати,/ озари скорби тьмою одержимых, и прещения враг
избави,/ и, вся тех сети разрушив, явися Предстательница крепкая,
оружие непобедимое на враги миру всему:/ из Тебе бо всех Владыка
плоть прием, вся человеки обожит.

Слава, и ныне, Богородичен: <далее см. основной Чин>

Изменяемое №13

Тропарь *глас 4:*

Днесь светло красуется славнейший град Москва,/ яко зарю
солнечную, восприемши, Владычице, чудотворную Твою икону,/ к
нейже ныне мы притекающе и молящиеся Тебе, взываем сие:/ о
пречудная Владычице Богородице!/ Молися из Тебе воплощенному
Христу Богу нашему,/ да избавит град сей и вся грады и страны
христианския невредимы от всех навет вражиих/ и спасет души
наша, яко Милосерд.

<далее см. основной Чин>

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Егѡ.

Стих: Хвалите Бога во святых Егѡ,/ хвалите Егѡ во утвержении силы Егѡ.

Стих: Хвалите Егѡ на силах Егѡ,/ хвалите Егѡ по множеству величества Егѡ.

Глас 4. Настáвницу Тя заблúждшим/ и пристáнище спасíтельное/ в пучíне, Влады́чице, и в бúри,/ и во искушéниях, и в печáлех/ Христóс Тя всем показá,/ Сын Твой и Бог наш,/ вёрно приходя́щим к Тебé./ Егóже моли́ от злых бед избáвитися/ вéдушим Богорóдицу Тя во́истинну.

Стíх: *Хвалíte Егó во гласе тру́бнем,/ хвалíte Егó во псалтíри и гúслех.*

Настáвницу Тя заблúждшим/ и пристáнище спасíтельное/ в пучíне, Влады́чице, и в бúри,/ и во искушéниях, и в печáлех/ Христóс Тя всем показá,/ Сын Твой и Бог наш,/ вёрно приходя́щим к Тебé./ Егóже моли́ от злых бед избáвитися/ вéдушим Богорóдицу Тя во́истинну.

Стíх: *Хвалíte Егó в тимпáне и ли́це,/ хвалíte Егó во стру́нах и оргáне.*

Тлéние потребíла есí/ и болéзнь, Всепéтая, дрéвнюю всю Рождествóм Твоём:/ Живóт бо мíрови рóждши/ и смéрть разрушívши,/ болéзни, Благáя, исцеля́еши/ вёрно óбраза Твоегó чудесá воспева́ющих,/ и любóвию клáняющихся,/ и чтúщих Тя, Святúю и честнéйшую Настáвницу.

Стíх: *Хвалíte Егó в кимвáлех доброгласных, хвалíte Егó в кимвáлех восклицáния./ Всякое дыхáние да хвáлит Гóспода.*

Яко истóчник Тя, Препéтая,/ животá и благодáти, источáющий чудесá/ и цельбú страстéй душéвных и телéсных,/ яко быстринú оставлéния,/ мíлости щедрóт неисчерпáемое мóре вíдяще,/ Тебé припада́ем, вси, оскорбля́еми ны́не,/ прося́ще всí разрешéния бúдущаго мучéния.

Слáва, глас 8: Иже на Херувíмех éздяй/ и пева́емый от Серафíм,/ сшел есí с Небесé прорóчески, Бла́же,/ и вселíлся есí во утрóбу Чíстыя Богоотрокови́цы,/ Ю́же Áнгели воспéша та́йно:/ ráдуйся, ráдостная Дéво,/ необъя́тнаго яко Бóга во чрéве Твоём приéмши пáче слóва,/ от неvéрия в véру мир преводя́ща;/ слáва Тебé, Христé, едíне Мíлостиве и Человеколю́бче.

И ны́не, Богорóдичен: <см. основной Чин>

Изменяемое №15

Кондак *глас 8:*

Взбранной Воеводе победительная,/ яко избавльшися от злых/
пришествием Твоего честнаго образа, Владычице Богородице,/
свѣтло сотворяем празднество срѣтения Твоего и обычно зовѣм Тѣ:/
радуйся, Невѣсто Невѣстная.

Ин кондак, глас 8:

К Взбранней Воеводе и Заступнице, Дѣве и Богородице,/ в чѣстей
совѣсти, вѣрою утвердившися, руссии народи,/ неозвратно
надѣжду имущѣ, притецѣм,/ к чудотворному Ея и пречѣстому образу,
и возопиѣм Ей:/ радуйся, Невѣсто Невѣстная.

<далее см. основной Чин>

На Литургии

Изменяемое №20

Прокимен, *глас 3:* Величит душá Моя Гóспода,/ и возрадовася дух
Мой о Бóзе, Спáсе Моѣм. *Стих:* Яко призрѣ на смиреніе Рабѣ Своея,
се бо отнѣне ублажатъ Мѧ вси рóди.

Другий прокимен, *глас 6:* Помяну́ ѡмя Твое́/ во всяком рóде и рóде.
Стих: Отрыгну́ сѣрдце моѣ слóво блага́го.

Изменяемое №21

Аллилуиа, *глас 8:* Слѣ́ши, Дщи, и виждь, и приклоні́ у́хо Твое́. *Стих:*
Лицѹ́ Твоемѹ́ помóлятся богáтии лю́дстии.